

2024KO EKITALDIKO DIRU LAGUNTZA IZENDUNA

ESKORIATZAKO UDALA

ETA

CLUB DEPORTIVO AUTOMOVILIST ESKO MOTOR

Eskoriatzan Azaroaren 21an.

BILDUTAKOAK

ALDE BATETIK, Edorta Zubizarreta Alegria, Eskoriatzako Udaleko Alkate-Udalburua.

ETA BESTETIK, Xabier Oñederra jauna, ESKO MOTOR kirol elkarteko lehendakaria.

PARTE HARTZEN DUTE

Edorta Zubizarreta Alegria jaunak ESKORIATZAKO UDALAREN izenean eta ordezkartizan.

Xabier Oñederra jauna, ESKO MOTOR kirol elkartearen izenean eta ordezkartizan, helbidea Aranburuzabala 27 - 1A, Eskoriatzan duena, IFK G75111989.

Alde biek kontratu hau egiteko gaitasuna aitortzen diote elkarri, eta honako hau.

ADIERAZTEN DUTE

- 1.- Euskal Autonomia Erkidegoko kirolaren gaineko 14/1998 Legearen 1. artikulua dioenez, kirola interes publikoko jarduera soziala da eta lagungarria da pertsonak prestatu eta osotasunean garatzeko, bizitza-kalitatea hobetzeko eta norbanakoaren zein gizarte mailako ongizatea bultzatzeko.
- 2.- Ikuspegi horretatik, Legeak berak, zioen azalpenean jasotzen ditu printzipio iradokitzaile bezala herri-aginteei kirol praktika bermatu beharra dutela laguntza pribatua sustatuz, eta kirolerako ekonomia baliabideak eskuratzeko sektore pribatutik lortu behar dela finantzazioa, ekintza publikoaren osagarri izan dadin.
- 3.- Kirol sistemaren oinarrietako bat herrietako kiub eta kirol elkarteak dira. Elkarteok ezinbesteko betebeharra dute ikasleen heziketa integrarean eta baita helduagoek kirola egiten jarraitu ahal izateko baldintzak lortzeko bidean ere.
- 4.- ESKO MOTOR kirol elkarteak, Eskoriatza eta inguruetako gazte zein helduek kirola praktikatzeko aukera desberdinak izan ditzaten eta orokorrean kirol ohitura osasungarriak sustatzeko osaturiko elkarteak da.
- 5.- Gaur egun ESKO MOTOR Kirol Elkarteak kirol arlo hauetan parte hartzen du.
 - Gipuzkoa eta euskadiko medi igoerak
 - Gipuzkoa-euskadiko rallysprint txapelketa
 - Gipuzkoa-euskadiko rally txapelketa
 - Euskal Herriko 4x4 erakustaldiak

GUZTIRA: 10 KIROLARI ESKORIATZAR.

6.- Diru-laguntzei buruzko izaera orokorreko azaroaren 17ko 38/2003 legearen 22. artikulua diru-laguntza zuzenak jasotzeko aukerak aipatzen ditu, eta besteak beste, udal erakundeen aurrekontuetan nominatiboki aurreikusita egon behar dutela eta hitzarmenen eta laguntzen araudiaren arabera eman behar direla zehazten du.

7.- Eskoriatzako Udaleko 2024ko aurrekontuetan Esko Motor kirol elkartearentzako 3.000 euroko diru laguntza nominatiboa aurreikusten da 0300.481.341.90.01 partidatik.

Aipatutako araudiari jarraituz eta testuinguru horren esparruan, hitzarmenak Eskoriatzan kirola egitea sustatuko duelakoan, Eskoriatzako Udalak eta ESKO MOTOR Kirol Elkartek honako lankidetzat-hitzarmen hau formalizatuko dute ondorengo klausulen arabera:

KLAUSULA OROKORRAK

LEHENENGOA.- HITZARMENAREN HELBURUA.

Hitzarmen honen helburua da ESKO MOTOR Kirol Elkartek bai Eskoriatzan bai Leintz bailaran egiten duen kirolaren eta bizi ohitura osasuntsuen sustapena bultzatzea. Horretarako 2024ko ekitaldiko udal aurrekontuan ESKO MOTOR kirol elkartearen izenean dagoen diru laguntza izenduna antolatzea III. Rally sprint-ak sortutako gastuak finantzatzen laguntzeko elkarte horri.

BIGARRENA.- HITZARMENAREN INDARRALDIA.

Hitzarmen hau hitzarmena sinatzen den egunean sartuko da indarrean, eta 2024ko abenduaren 31ra arte iraungo du. Dena den, sinatzaileek hitzarmena bertan behera uzteko aukera izango dute beste aldeari idatzizko salaketa aurkeztuta; hitzarmenean jasotako erabakiak ez betetzeagatik.

HIRUGARRENA.- JARRAIPEN BATZORDEA.

Bi aldeek beharrezkotzat jotzen dute hitzarmenaren jarraipen batzordea eratzea. Aurreikusitakoa eta hartutako konpromisoak betetzen direla zainduko du batzordeak eta orokorrean etorkizunean gertatu litezkeen auziaz arduratuko da.

Batzorde horretako kide izango dira:

- Udalaren aldetik: Kiroletako zinegotzia edo berak eskuordetutako pertsona.
- ESKO MOTOR KIROL ELKARTETIK: Xabier Oñederra eta Gorka Idigoras

LAUGARRENA.- ZERGA BETEBEHARRAK ETA GIZARTE SEGURANTZAREKIKOAK.

ESKO MOTOR Kirol Elkartek egunean izan beharko ditu zerga betebeharrak eta gizarte segurantzarekikoak hitzarmena sinatu baino lehen eta hitzarmenaren indarraldiak dirauen bitartean. Horretarako, hitzarmen hau sinatzearekin dagozkion Ziurtagiriak telematikoki lortzeko baimena ematen dio berariaz Eskoriatzako Udalari.

BOSGARRENA.- DIRU LAGUNTZEN ERREGISTRO PUBLIKOAN SARTZEA ETA EMANDAKO DIRU LAGUNTZA ARGITARATZEA.

1. Diru laguntzei buruzko 38/2003 Lege orokorreko 20.1 artikuluan ezarritakoa eta lege hori garatzeko gainerako araudia betez, emandako diru laguntzari buruzko datuak eta ERAKUNDE ONURADUNAREN identifikazioa Estatuko Kontu-hartze Orokorrera bidaliko dira diru laguntzen datu base nazionalean gorde daitezen, agindu horretan aurreikusitako helburuarekin bakar-bakarrik, eta datu pertsonalen babesari dagokion begirunearekin, abenduaren 13ko 15/1999 Lege Organikoan aurreikusitakoaren arabera.

2. Diru laguntzei buruzko 38/2003 Legeko 18. artikuluan aurreikusitakoaren arabera, ERAKUNDE ONURADUNARI emandako diru laguntza Gipuzkoako Aldizkari Ofizialean argitaratuko da.

SEIGARRENA.- IZAERA, INTERPRETAZIOA ETA JURISDIKZIO ESKUDUNA.

1. Hitzarmen honek izaera administratiboa du, eta bertako baldintzen interpretazioan sor daitezkeen zalantzak erabakitzeko honako hauekako xedapenak aplikatuko dira:

- Toki Araubidearen Oinarriak arautzen dituen apirilaren 2ko 7/1985 Legea.
- Diru-laguntzei buruzko azaroaren 17ko 38/2003 Lege Orokorra.
- Toki Araubidearen gainean indarrean dauden xedapenen Testu Bategina, apirilaren 8ko 781/1986 Legegintzako Errege Dekretuz onartua.
- Toki erakundeen ondasunei buruzko araudia onartzen duen ekainaren 13ko 1372/1986 Errege Dekretua.
- Herri Administrazioen Ondareari buruzko azaroaren 3ko 33/2003 Legea.
- Sektore Publikoko Kontratuen Legearen Testu Bategina onartzen duen azaroaren 14ko 3/2011 Legegintzaldiko Errege Dekretua.

2. Hitzarmen hau aplikatzerakoan sor daitezkeen zalantzak eta hutsuneak argitzea Eskoriatzako Udalbatzarrari dagokio.

3. Administrazioarekiko auzien jurisdikzioa arautzen duen uztailaren 13ko 29/1998 Legean aurreikusitakoaren arabera, administrazioarekiko auzi jurisdikzioko organoei dagokie hitzarmen honen ondorioz sor daitezkeen auziez arduratzea.

KLAUSULA ZEHATZAK

ZAZPIGARRENA.- DIRU LAGUNTZAREN HELBURUA ETA ZENBATEKOA.

Eskoriatzako Udalak, 2024eko aurrekontuaren kargura, 3.000 euroko diru laguntza ematen dio ESKO MOTOR Kirol Elkarteari 2024. urtean III. Rally sprint-a garatzeko

ESKO MOTOR Kirol Elkartek diru laguntzaren helburuan zehaztutakoak burutuko ez balitu, horri dagokion kopuru berean murriztuko zaio emandako diru laguntza, eta itzuli egin beharko du dagokion balioaren gainetik jasotako diru laguntza.

ZORTZIGARRENA.- DIEUZ LAGUNDU DAITEZKEEN GASTUAK.

Diruz lagungarritzat joko dira indarrean dagoen araudiaren arabera zuzen justifikatuta egonda, beharrezkoak direnak eta diruz lagundutako proiektu eta jardueren izaerari eta garapen normalari erantzuten diotenak inolako zalantzarik gabe.

Gastuak diruz lagungarri izateko arau orokorrak hiru printzipio ditu:

- Gastuak diruz lagundutako jardueraren izaerari erantzun behar dio.
- Gastuaren kostea ezingo da izan merkatukoarena baino handiagoa.
- 2024ko ekitaldiaren barruan egin beharko da.

Beste batzuen kaltetan gabe, diruz lagungarri honako hauek joko dira:

- Ikastaroak eta hitzaldiak.
- Jarduerak ezagutzera emateko eta horiek iragartzeko eta propaganda egiteko ekintzak.
- Jarduerak estaliko dituzten aseguruak.
- Federazio eta epaile gastuak.
- Dietak, kilometro-gastuak eta bazkari-afari-hotel edo ostalaritza zerbitzuen kostea antolatutako jardueraren batekin zalantzarik gabe behar bezala identifikatuta daudenean. Edozein modutan, koste horiek behar besteko proportzioa gorde beharko dute egindako gastuaren eta lortu nahi zen helburuaren artean.

- Arropa, kirol ekipamendua eta jarduerak egiteko beharrezko beste hornidura batzuk.
- Kanpoko zerbitzuak, horiek kontratatzea beharrezkoa denean proiektua gauzatzeko.
- Boluntarioen laguntzak sortutako gastuak. Boluntariotzat joko da taldeak antolatutako jarduera batean libreki eta eskuzabaltasunez (dirurik irabazteko asmorik gabe) parte hartzen duena (ez dago n harremanik, ez dute ordain ekonomikorik jasotzen eta ez da laguntza ematen betebeharrak pertsonala izateagatik). Boluntariotzak sortutako gastuak jasotzeko eta beraiei jarduera egiterakoan jasan dezaketen kalte-galerengatik aseguraturata egoteko eskubidea dute. Boluntarioei dagokienez, alojamendu edota mantentze gastuak eta bidaia gastuak sartu ahal izango dira.
- Beste gastu batzuk, adibidez, bulegoko material suntsikorra, telefonoa, interneterako lotura, garbitasun materiala, ibilgailuentzako erregea eta abar "gastu justifikagaitzak" izeneko sail bakarrean jaso ahal izango dira. Horiek ez dute dokumentu bidez justifikatu beharrik izango, baina ezingo dute, inolaz ere, erakundearen gastu osoaren % 10a gainditu.

Ez dira onartuko gastu oharrak eta beste dokumentu batzuk, legeko baliodun faktura edo egiaztagiritzat jotzeko eskatzen diren arauzko baldintzak betetzen ez badituzte.

BEDERATZIGARRENA.- BESTE LAGUNTZA BATZUEKIN PILATZEKO AUKERA ETA FINANTZAZIO MUGAK.

Emandako diru laguntza bateragarria izango da helburu bererako Udalak edota beste erakunde publiko edo pribatuek emandako diru laguntzarekin. Hala ere, inolaz ezin izango da onartu gain-finantzaziorik. Horrelakorik gertatuz gero, emandako diru laguntza murriztu egingo da diruz lagundutako ekintzaren kostu totalaren mugara.

HAMARGARRENA.- DIRU LAGUNTZA ORDAINTZEKÒ EPEAK.

Diru laguntza modu honetara ordainduko da:

% 60a ondorengo dokumentazioa digitalki (CD edo USB) aurkeztutakoan eta hitzarmen hau sinatu ondoren:

- 2024erako jarduera programa.
- Diru sarreraren eta gastuen aurrekontu xehatua.
- Helburu bererako eskatutako edota jasotako beste laguntzei buruzko zinpeko aitorpena.
- Diru laguntza ordaindu beharreko banku-kontuaren gaineko ziurtagiria.
- Gizarte Segurantzarekiko, Eskoriatzako Udalarekiko eta Foru Ogasunarekiko zerga betebeharrak egunean dituela egiaztatzea.

Gainerako % 40a, organo eskudunak diru laguntzaren kitapena onartutakoan ordainduko da, hau da, diruz lagundutako jarduerak erabat eta zuzen justifikatutakoan 11. baldintzan eskatutako dokumentazioa aurkeztuta eta ondorengo baldintzak bete direla ziurtatutakoan:

- Emakumeen parte-hartzea sustatzea.
- Proiektu horietako gastuak justifikatzea.
- Euskararen erabileraren normalizazioa sustatzea.

HAMAIKAGARRENA.- DIRU LAGUNTZA ZURITZEKO EPEAK ETA ERA.

Justifikatzeko modua KONTU SINPLE JUSTIFIKATU bidez izango da.

2024eko Abenduaren 18a baino lehen, eta justifikazio ondorioetarako, ESKO MOTOR KIROL ELKARTEAK ondorengo dokumentazioa aurkeztuko du Udaleko Erregistro Orokorrean:

1. Eskaera orria.
2. Elkartearen jarduera osoaren memoria.
3. Dokumentazio grafikoa (kartelak, liburuxkak, libretoak, banatutako idatzizko materiala, prentsa oharrak eta abar).
4. Diruz lagundutako jardueran izandako sarreraren eta gastuen balantzea, hasieran aurkeztutako aurrekontuari egokitu dela egiaztatzeko. Hasieran aurkeztutako aurrekontuari zein neurritan egokitu zaion balantzea egiaztatzeko, justifikazioarekin batera hasierako aurrekontuarekiko balantzeak izandako desbideraketa taula aurkeztu beharko da, eta desbideraketarik izanez gero, horiek justifikatzeko txostena ere egin beharko da.
5. Idazkariak presidentearen oniritziarekin egindako ziurtagiria diruz lagundutako jarduerarako jasotako diru laguntzei eta gainerako sarrerei buruz, horiek balantzean jasota edo jaso gabe egotea kontuan hartu gabe.
6. Elkartearen gastuen zerrenda sailkatua honako hauekin: hartzekodunaren identifikazioa, faktura zenbakia edo froga-balio baliokidea duen dokumentua, zenbatekoa, fakturaren data eta ordainketa eguna. LAGINKETA TEKNIKA. Gastu zerrendatik, udal kontuhartzailetak eta arloko teknikariak elkarrekin aurrez aukeratuta, eta eska daitekeen gutxienezkoa izanik, aitortutako gastuen zenbateko osoaren % 20tik gorako gastu portzentajea egiaztatuko da (gubxienez, emandako diru laguntzaren besteko kopurua izan beharko da). Gastuak justifikatzerakoan aitortutako gastu zerrendan izandako faltsukeriagatik, zehaztasun ezagatik edo akatsengatik egon daitezkeen gorabeherak zigortu egingo dira diru laguntza kitatzerakoan.

Gastu horiek honela justifikatuko dira:

a) Jardueragatik egindako gastuen jatorrizko fakturak (ordainketa egiaztatuta) behar bezala beteta, edo horien fotokopia konpultsatuta. Fakturak udal erregistro orokorrean konpultsatuta ahal izango dira. Fakturak, gutxienez, honako hauek izan beharko dituzte:

- Faktura egiten duen enpresa edo pertsona fisikoaren datu guztiak: izena, helbidea, IFK edo NAN.
- Kirol elkarteak ordaintzeko jaulkitako fakturak izan beharko dira, eta bertan jaso beharko dira bere izena, helbidea eta IFK, kontzeptua, unitateak, koste totala unitateko, koste totala eta BEZ banakatua edo BEZ barne den, faktura zenbakia, jaulkipen data eta ordainketa modua. BEZa salbuetsita duten operazioetan hori egiteko arauaren erreferentzia jaso beharko da.
- * Ez da onartuko fakturarik pertsona fisikoaren izenean.

b) Dagokion federazioari ordaindutako fitxa eta kuota gastuak, eta baita epaileen gastuenak ere, federazioak egindako Ziurtagiri bidez ere justifikatu ahal izango dira.

c) Ordainagiri bidez justifikatu ahal izango dira honako hauek, betiere zenbatekoek ez baldin badituzte gainditzen aurrerago finkatutako kopuruak:

C.1) Fakturarik sortu ezin dezaketen epaileen gastuak, federazioko gastuak, dirutan emandako sariak, eta taideei eta kirolari afizionatuei dietengatik eta parte hartze kuotarengatik egindako ordainketak.

C.2) Bidaiak, dietak eta mantenu-gastuak. Ordainagiriarekin batera gastugileak aurkeztutako tiketa edo ordainagiria (metrobusseko billetea, taxi tiketa, autopistakoa...). C.3) Boluntarioen laguntzak sortutako gastuak. Ordainagiriarekin batera gastugileak aurkeztutako tiketa edo ordainagiria (metrobusseko billetea, taxi tiketa, autopistakoa...).

Ordainagirientzako mugak:

- Jarduera bakoltzeko ezingo da ordaindu 125 € baino gehiago pertsonako. –
- Urteko kopurua pertsonako ezingo da izan 300 € baino handiagoa c.1 eta c.3 kasuetan.

Ordainagirik, gutxienez, ondorengo datuak izan beharko dituzte:

- Ordaindutako zenbatekoa.
- Ordainketa jasotzen duenaren (izena, 2 abizen eta NAN) eta ordainketa agintzen duenaren identifikazioa.
- Ordainketa zer kontzeptutan agindu den eta zer jarduerari dagokion.
- Emate-eguna.

Fakturen edo ordainagiriaren data jardueraren exekuzio aldiaren barruan egon beharko da. Exekuzio aldiaren aurreko data duten fakturak bakarrik onartuko dira programaren jarduerak garatzeko aurrez ordaindu behar izanez gero.

Diru laguntza justifikatzeko dokumentazioa epe barruan ez aurkezteak kitatzeko gelditzen den diru laguntza jasotzeko eskubidea galtzea ekarriko du bestelako tramiterik egin beharrik gabe, eta baita ere, Udaleko dagokion unitate administratiboak ofizioz hastea ordaindutako diru laguntzen aurrerapena itzultzeko espedienteak.

Era berean, aurkeztutako justifikazioari buruzko argibideak behar izanez gero edo diru laguntza kudeatzen duen departamenduak egin beharreko txosten teknikoan gabeziak antzematen badira, eta gabezia horiek hasiera batean emandako diru laguntzaren eta azken kitapena egiteko proposamenaren artean doitu beharra edo desbideraketa esanguratsua eragiten badute, dagokion udal erabakia hartu baino lehen laguntza kudeatzen duen departamenduak 7 egun naturaleko epea emango du aipatutako gabeziak konpondu ahal izateko edo egoki liritziko azalpenak emateko edo justifikazioak aurkezteko. Hori guztiori, azkenean har daitezkeen udal erabakien aurka bidezko diren errekursoak aurkeztearen kaltetan gabe.

HAMABIGARRENA.- EUSKARAREN ERABILERAREN NORMALIZAZIOA.

ESKO MOTOR Kirol Elkarrekin bere gain hartzen du euskararen erabilaren normalizazioaren alde lan egitea, eta orain arte egin duen bezala, euskarak lehentasuna izango du antolatzen dituzten jarduera guztietan eta idatzizko zein ahozko komunikazioetan.

HAMAIRUGARRENA.- ESKO MOTOR ELKARTEAK HARTZEN DITUEN KONPROMISOAK.

KIROL ARLOAN:

- Erantzun zibileko aseguruia izatea antolatutako kirol ekitaldiei aurre egin ahal izateko. Aseguruak, gutxienez, 300.000 €-ko estaldura izan behar du. Hitzarmen honen helburu den programaren funtzionamenduaren ondorioz pertsonen eta ondasunen aurka gerta

daitekeen edozein gorabehera estali beharko du aseguruak, eta hitzarmena sinatu baino lehen polizaren originala edo kopia konpultsatua aurkeztu beharko da.

- Kirol arloko jarduerak behar bezala antolatzea, kirolarien osasuna eta segurtasuna bermatuz.
- ESKO MOTOR Kirol Elkartek Eskoriatzan egiten duen III. Rally sprint-ak helburua kirolaren sustapena izanik, ahalegin berezia egingo du nesken parte hartzea bultzatzeko.
- ESKO MOTOR Kirol Elkartek Debagoienan beteko du III. Rally sprint-a eta bertoko biztanleen onura lehenetsiko du.

KUDEAKETA ARLOAN:

- Diru-laguntzen helburua fiskalizatzeko lanetan Udalak edo Herri Kontuen Euskal Epaitegiak eskatutako edozein informazio eman beharko du.
- III. Rally sprint-a burutzeko beharrezko lizentziak eta baimenak izan beharko ditu ESKO MOTOR Kirol Elkartek, dagokien erakundeek emandakoak. Era berean, zuzenbide pribatuko erakundea den aldetik, ez du Udalarekiko mendekotasunik ez inolako harremanik ere, beraz, azken horrek ez du bere gain hartuko, ez zuzenean ez zeharka ere, elkartearen jardura dela eta egiteagatik edo ez-cgiteagatik gertatu litezkeen kalte materialik, pertsonalik edo moralik.

KOMUNIKAZIO ARLOAN:

- ESKO MOTOR Kirol Elkartek III. Rally sprint-erako kaleratuko duen propagandan, berdintasun eta genero ikuspegiak hartu beharko ditu kontuan eta hizkuntza eta irudia erabiltzean ez du inongo elementu diskriminatzailearik sartuko.

LANGILE BOLUNTARIOEI DAGOKIONEZ:

- Hitzarmenaren esparruan egiten diren jardueretan laguntzeko langile boluntarioak izanez gero, ESKO MOTOR. KIROL ELKARTEAK poliza bat egin beharko du boluntarioentzat, boluntarioei buruzko ekainaren 25eko 1998/25 Legean aurreikusitakoaren arabera. Era berean, inolaz ere ez da menpekotasun harremanik izango boluntario horien eta Eskoriatzako Udalaren artean.

Eta, ados daudela adierazteko, alde biek hitzarmen hau sinatzen dute ondorio bakarrerako, goiburuan adierazitako lekuan eta egunean.

ESKORIATZAKO UDALAREN ALDETIK

ESKO MOTOR KIROL ELKARTETIK



EDORTA ZUBIZARRETA ALEGRIA
2024/12/19 10:11:39